

Ratisponæ, Sancti Volphangi Episcopi, & confessoris. Foffis, in diocesi Leodiensi, Sancti Foillani Episcopi, & martyris.

D.

Calendis Novembris. Luna

18 29 10 21 2 13 24 5 16 27 8 19 30 11 22 3 14 25 7

A B C D E F G H I K L M N O P Q R T

OMNIVM Sanctorum. Hæc Dei genitricis Mariæ, & omnium sanctorum martyrum celebritas, a Bonifacio, summo Põtifice, ita instituta est, ut quotannis Romæ ageretur; sed Gregorius Quartus, Ludouici Regis rogatu, ad honorem omnium Sanctorum, in vniuersa ecclesia, eam perpetuo coli statuit. Nicomediæ, Sanctæ Mariæ martyris: quæ equuleo torta, vnguibus ferreis dilaniata, martyrii poculum hausit. Terracinæ in Campania, Sactorum martyrum, Iuliani presbyteri, & Cæsarii Diaconi. Hic multos dies, Claudio Cæsare, in carcere cruciatus, demum vnâ cum Iuliano in saccum cõiectus, in mare deiicitur. In Gallia, Sacti Benigni presbyteri, qui ad eam prouinciam prædicationis causa ab Sancto Polycarpo missus, Terentii præsidis iussu comprehensus, primo terrimis affectus cruciamentis, deniquè corpore hasta transfuerberato, capite vectibus ferreis contuso, & confracto, summa fidei constantia, ad martyrii gloriam peruenit. In Persia Sanctorum martyrum, Ioannis Episcopi, & Ioannis presbyteri, qui, Saporio Persarum rege, cum non paucos ab impura superstitione, ad sacrosanctam CHRISTI religionem perduxissent, eam ob causam comprehenduntur; tum uario præterea afflictati cruciatu, gladio deinde transfuerberati, ad martyrii palmam commigrarunt in cœlũ. Tharsis, Sactarum martyrum, Cyriens, & Iulianæ. A Ciliciæ præfecto in turbulenta Maximiani persecutione, capta Cyriena, ad id compellitur, ut, CHRISTI religione repudiata, idolorum cultui adhæreret. A quo nefario scelere abhorrēs, tonsa capite, & supercilio abrado, asino imponitur, ab oriosis pueris cæditur ferulis, & à mimis, petulan-

tulantibusque militibus per urbem nudata traducitur: cum autem orasset, ut ne nuda cōspiceretur, diuinitus obtecta est. Demum cum Juliana, pia sanctaque muliere, in fornacem coniecta, gaudenti animo utraque martyrii cursum confecit. Auernis, Sancti Austremonii Episcopi, & martyris. Parisiis, Sancti Marcelli confessoris: cuius uitam virtutibus, & miraculis illustrem, Fortunatus Episcopus præclare conscripsit. Tiburi, Sãcti Seuerini monachi, & confessoris. Mediolani, Sancti Magni Episcopi, & confessoris: qui episcopali munere perfunctus religiose, miraculorum laude clarus, obiit in Domino, sepultus in basilica Sancti Eustorgii. Alexandria, Sancti Primi Episcopi, qui ab Apostolis, successione quartus, ministerium illius ecclesiæ capefcens, cum duodecim annos ei præfuisset, quieuit in Domino. Romæ, Sancti Maturini presbyteri: cuius corpus inde ad Senonas translatum, miraculorum virtute splendescens, pia veneratione colitur. In Hispania, Sancti Ermegaudi Episcopi, & confessoris. Pictauis, Translatio, Sancti Hilarii Episcopi, & confessoris. Hoc ipso die, Sancti Vigorii Episcopi Baiocensis.

Quarto nonas Nouembris. Luna.

E.
xiiii.

19 30 11 22 3 14 25 6 17 28 9 10 1 12 23 4 15 26 8
A b c d e f g h i k l m n o p q r s t

Commemoratio omnium fidelium defunctorum. Tergeſti Sancti Iusti martyris, qui Diocletiano, & Maximiano Imperatoribus, Manatii præfecti iussu, horribili uerberû cruciatu affectus, demum, cum in fidei proposito persisteret, in mare mergitur. Pictauis, Sancti Victorini Episcopi, qui in doctrina instructus, cælestibusque virtutibus ornatus, in ipsa Diocletianiana persecutione nõ modo constanter, sed etiam cum summo gaudio mortem pro CHRISTI nomine suscepit. Sebastæ, Sanctorum martyrum, Carterii, Stiriacti, Tobia, & Nicopolitani: qui stipendia cum sub Licinio, Christiani nominis hoste, mererent, id consilii ceperunt, ut per omnem militiam in fide CHRISTI manerēt. itaque Marcelli ducis iussu, fustibus mulctati, in carcerem contruduntur. Inde post educti, crudis

dis neruis uerberati, tum baculis confracti, aliisque affecti suppliciiis, demum in flammam coniecti, generosi, & insignes Dei athlete coronantur. In Persia, beatissimorum martyrum, Acyndimi, Pegasis, Aphthonii, Elpidephori, Anempodosis, & sociorum quam plurimorum. Hi separatim in cellula uitam agendo, cum ad ueram pietatē homines instituerent, a Persarum Rege comprehensi, scipionibus primum uerberati, post in lebetes, plumbo feruenti plenos iniecti, inde incolumes diuina ope mirabiliter euaserunt. Qua perspecta re Aphthonius miles, uehementer commotus, CHRISTI fide suscepta, sanguinem pro eo, abscissis ceruicibus, libenter profudit. Illi vero, culeis infuti, in mare proiecti sunt. Militibus autem, qui in mare præcipites martyres dederant, Christianam religionem amplexis, manus præcidi rex iussit. Elpidephorus, tot mirifice factis impulsus, Senatorii ordinis vir, regem accusauit, ut cum eo Christianæ fidei se adiunxerunt septies mille homines: qui omnes propterea capite damnati, necem libenter pro CHRISTO obierunt. In Africa, Sanctorum martyrum, Publii, Victoris, Papiæ, & Hermetis, Laodiceæ, Sancti Theodoti Episcopi, re ipsa, & proprio nomine, a Deo dati: qui illius ecclesiæ Episcopus factus, se vere Episcopum ostendit. charitatis enim, morum probitatis, clementiæ, commiserationis, & studii causa, quod illis præstitit, qui opem ab eo poscebant, facile omnes superauit. In sacris denique disciplinis multus erat ei usus, & crebra in omni pietate exercitatio. Agauni, Sancti Ambrosii Abbatis, uitæ innocenter, diuineque actæ, laude clari. Vienæ, Sancti Georgii Episcopi, & confessoris.

F. ii.

Tertio ~~nonas~~ Novemb. Luna.

20 1 12 23 4 15 26 7 18 29 10 21 2 13 24 5 16 27 9
A b c d e f g h i k l m n o p q r s t

3. **S**ancti Quartii: qui fuit vnus e septuaginta discipulis, Berythi Episcopus, inde in Hispaniam profectus, Christianæ religionis discipulus.

sciplinam post Iacobum Apostolum Hispanis tradidit. Cæsareæ in Cappadocia, Sāctorum martyrum, Germani, Theophili, Cæsarii, & Vitalis: qui in persecutione Deciana, nullis crudelitatis suppliciiis, pro CHRISTO recusatis, ad necem denique abducti, inuitra pietatis defensione, martyrii palmam tulerunt. Cæsaraugusta, Sanctorum innumerabilium martyrum: qui pro CHRISTI laude dimicantes, confutata Deciani præfidis petulantia, primum contrucidati, deinde combusti sunt. In Persia, Sanctorum martyrum, Acepsum Episcopi, Iosephi presbyteri, & Aithalæ diaconi: qui, Saporio Rege, pro CHRISTI gloria varie, horribilemque in modum excruciat, cum in eadem mentis constantia permanerent, demum nece obita, diuinæ pietatis uim, ac virtutem declararunt. Viterbii, beatorum martyrum, Valentini presbyteri, & Hilarii diaconi: qui, in tyberim præcipites dati, inde diuinitus erepti, demum præcis ceruicibus, ad martyrii coronam perueniunt. In Britannia, Sanctæ Venefridæ virginis, & martyris. Leodii, Sancti Huberti Episcopi, & confessoris: qui multis excultus virtutibus, ac sanctitatis, multis miraculis declarata, gloria insignis, obiit in Domino. In Hibernia Sancti Malachiæ Episcopi. Viennæ, Sancti Domni Episcopi, & confessoris.

Pridie nonas Nouemb. Luna.

G.

21 2 13 24 5 16 27 8 19 30 11 22 3 14 25 6 17 26 10
 A b c d e f g h i k l m n o p q r f t

Sanctorum, Vitalis, & Agricolæ, martyrum: qui, in persecutione Diocletiani, & Maximiani, Bononiæ ob IESV CHRISTI prædicationem comprehensi sunt. Vitalis, omni tormentorum genere cruciatus, constanter omnia perferens, in oratione spiritum Deo reddidit. Agricola vero, illius exemplo vehementius confirmatus, cum a IESV CHRISTI fide dimoueri nullo modo posset, cruci suffixus, illius fuit seruus, & nobilis martyrii parti-

particeps, ac socius. Puteolis, Sancti Patrobæ Episcopi: qui unus e septuaginta discipulis, illius vrbis Episcopus factus, cum in sua populi gubernatione, multas molestias, & incommoda à gentibus, fidei aduersariis, pertulisset; prædicationeque euangelii plurimos ad religionem Christianam perduxisset; meritorum laude clarus, ad præmium migravit in cœlum. Philippopoli, Sancti Ermæ Episcopi, Ephesi, Sancti Caii Episcopi; Sancti item Philologi Episcopi: qui tres etiam, discipulorum septuaginta numero adscripti, in sua quique administratione, episcopali munere sollicitè perfuncti; in Domino obdormierunt. In Africa, Sanctorum martyrum, Primi, Cæsarii, Gregorii, Porphyrii, Amantis, Saturnini, & Victorinæ. Alexandria, Sancti Pierii presbyteri: qui in diuinis litteris, sane quam eruditus, singulari vitæ innocentia, & sanctitate insignis; migravit ad Dominum. Augustoduni, Sancti Proculi martyris. Apud Rhedones in Gallia, Sancti Amantii Episcopi, & cōfessoris. Albæ in Vngaria, Sancti Emerici cōfessoris: qui e parentibus regibus natus, ab ineunte ætate, CHRISTI Domini charitate ardenti incensus; a secunda vigilia noctis, vsque ad lucem, totus erat in meditatione psalmodum, in sanctisque precibus. Vt vero ætate procedebat, sic mirifice ad pietatis, & religionis virtutes progrediebatur. Virginitatē diuino admonitu perpetuo ita coluit: vt non solum ipse virgo permaneret, sed sponsam, quam paterno rogatu victus, duxerat, integram, castamque cōseruarit. In ipso ætatis flore, cum ex hac uita ad cælestem migrasset; trigesimo post obitum die miraculorum, quæ magna, multaque ad eius sepulcrum edita sunt, splendore, Deus illustravit sanctum suum. Treuiris, Sanctæ Modestæ uirginis. Valaumi, Sancti Flori Episcopi, & cōfessoris. In Pago Vilcaffano, Sancti Clari presbyteri, & martyris.

A. *Nonis Nouembris. Luna.*
 .x. 22 3 14 25 6 17 28 9 20 1 12 23 4 15 26 7 18 29 11
 A b c d e f g h i K l m n o p q r s t

5 **S**ancti Zachariæ prophetæ, patris Sancti Ioannis Baptistæ. Terracina in Campania, Sanctorum martyrum, Felicis presbyteri, & Eusebii

Eusebii monachi. Hic sanctos martyres, Julianum, & Caesarianum cum sepelisset, & ad fidem quam plurimos abduceret, quos Felix presbyter baptizabat: vterque comprehensus, & in carcerem coniectus, eadem nocte, cum diis cultum tribuere nollet, capite plectitur. In Graecia, Sanctorum martyrum, Domnini, Theothini, Timothei, Philothei, Dorothei, Carterii, & Siluani; qui, Maximiano Imperatore, cum verbum Dei palam praedicando, multos ad IESU CHRISTI fidem conuerterent, delati ad tyrannum, & comprehensi, inauditisque affecti suppliciis; damnantur ad metalla. Multo autem post tempore educti ex ergastulo, sistuntur tribunali. Quos in fide CHRISTI Domini constantissime perseverantes, ille iussit in equuleum actos crudelissime excarnificari. Horum autem summam in tormentis tolerantiam, Pamphilus quidam conspicatus, secutaque reputans, non nisi firma maximarum rerum spe nixos, sanctos posse tam grauibus cruciamentis pares esse, a contaminata superstitione ad CHRISTI fidem transiit cum tribus virginibus. quare pudore suffusus tyrannus pronunciauit, omnes capite plecti: qui, datis liber ceruicibus, animas Deo reddiderunt. In Palestina, Sancti etiam Siluini Episcopi, & martyris, & aliorum sociorum: quos Urbanus praeses disertus, improbitatis excogitator, & callidorum contra CHRISTI doctrinam conatum inuentor, inauditis excogitatis suppliciis primum excruciauit, tum acerbissima nece affectit. In dioecesi Aurelianensi, Sancti Laeti presbyteri, & confessoris. Brixiae, Sancti Dominatoris Episcopi: qui omni Christiana uirtute, populo sibi commisso, praeluxit.

Octauo idus Nouembris. Luna.

B.

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31

A B C D E F G H I K L M N O P Q R S T
Theopoli Sanctorum decem martyrum: qui, in Saracenorum persecutione, fidei Christianae propugnatione nobiles, superata cruciatuum ui, & acerbitate, coronantur. Tuneti in Africa, Sancti Felicis:

A a Felicis:

Felicis: in cuius celebritate, beatus Augustinus Episcopus, psalmum centesimum septimum populo exposuisse legitur. Barcinonæ in Hispania, Sancti Seueri Episcopi, & martyris: qui a barbaris Gothis, Cathaloniam incolentibus, martyrio coronatur, capite clavis confosso. In Phrygia, Sancti Attici. In Aquitania, Sancti Leonardi confessoris, qui loco nobili natus, beati Remigii discipulus, o[mn]em eam provinciam peragrauit, verbi Dei prædicatione. Inde religionis causa in siluam quandam se abdidit: ubi exædificato a se monasterio, miraculorum magnitudine, & uitæ sanctitate clarus, obdormiuit in Domino. Fauentia, Sancti Aemiliani Episcopi, & cōfessoris. Is e Scotia Romam pietatis causa peregrinatus, Fauentiam, peregrinatione sancte, confecta, diuertit: ubi, cum ex hac uita excesserit, à ciuibus Fauentinis honorifice sepultus, multorum miraculorum claritate post obitum eluxit. Apud Bergas, Sancti Vuinoci abbatis: cuius uita, uirtutibus, & miraculis plenâ, testatam, ac notam fecit sanctitatem ipsius egregii **C**H**R**I**S**T**I** confessoris.

C.
xviii.

Septimo idus Novembris. Luna.

24 19 16 27 8 19 30 11 22 3 14 25 6 17 28 19 30 1 11
A **b** **c** **d** **e** **f** **g** **h** **i** **k** **l** **m** **n** **o** **p** **q** **r** **s** **t**

7 **P**atauii, Sancti Prosdocimi Episcopi. Is in Græcia natus, beati Petri, Apostolorum Principis, Romæ ab eo Episcopus Patauii consecratus, crebris concionibus, diuinaque miraculorum uirtute perfecit, ut Vitalianus, ciuitatis Princeps, & coniux, uniuersusq; populus Patauinus, repudiata impura idolorum superstitione, **C**H**R**I**S**T**I** fidem amplexus, baptizaretur. Demum nonaginta tribus annis episcopali munere sancte perfunctus, quieuit in Domino. Nicomedia, Sanctorum martyrum, Eusebii, Rogatiani, & Donati. Melitena in Armenia, Sanctorum martyrum, Hirenis, Nicandri, & aliorum triginta: qui in turbulenta Diocletiani persecutionis tempestate, cum in omne Christianorum nomen, per cædes seruiretur, a Melitena præfecto, uariis tentati suppliciis, ut a **C**H**R**I**S**T**I** cultu ad idolorum impietatem traducerentur, cum in eadem fidei constantia

perpetuo

perpetuo persisterent, primum uerberibus horrendum in modum
 caesi, post in caminum coniecti, peneque confecti, demum securi fe-
 riuntur. Ancyrae, Sanctorum martyrum, Melasippi, Antonii, Cassini,
 & quattuor puerorum: qui, Iuliano Imperatore, coronantur. In
 Aquitania, Sancti Amaranthi martyris: qui, in Deciana persecutio-
 ne confecto martyrii cursu, Ambiani sepultus, aeternae uitae gloria in
 caelis fruitur. Perusiae Sancti Herculani Episcopi, & martyris: de quo
 calendis Martii scriptum est. Coloniae, Engelheri Episcopi, & mar-
 tyris: qui in summa innocentia, ab impiis crudeliter contrucidatus
 est. Alexandriae, Sancti Achillae, fide, doctrina, morumque sanctitate
 clarissimi. In dioecesi Treuirensi, Sancti Vuilbrodi Episcopi, & con-
 fessoris: qui a summo pontifice Sergio Episcopus factus, in Germa-
 niam ad euangelium propagandum missus, abiecto idolorum cultu,
 gentes Frisiam incolentes Christiana religione instituit. Metis San-
 cti Rufi Episcopi, & confessoris. Argentinae, Sancti Florentii Episco-
 pi, & confessoris.

Sexto idus Nouembris. Luna.

5 6 17 18 9 20 1 12 23 4 15 26 7 18 29 10 11 2 14
 A b c d e f g h i k l m n o p q r s t

D.
 vii.

Oraue **Omnium Sanctorum**. Romae, uia Leuicana, Sanctorum
 quattuor coronatorum fratrum; Seueri, Seueriani, Carpopho-
 ri, & Victorini: qui in persecutione Diocletiani, falsorum Deorum
 cultum libere, palamque detestati, plumbatis acerbe horribiliterq;
 caesi, in uerberum cruciatu, necem pro **CHRISTO** Domino obie-
 runt. Eorum nomina, diu ignota, diuinitus postea patefacta sunt. In
 Pannonia, beatorum martyrum, Claudii, Nicostrati, Symphoriani,
 Castoris, & Simplicii. Hi primo in carcerem inclusi, post, scorpionibus
 tetre caesi, in fide cum admodum constantes essent, Diocletiani
 iussu loculis plumbeis conclusi, in mare praecipites datur. Ambiani,
 S. Godefridi Epi, & confessoris, cuius uita in ieiuniis, orationibus, re-
 ligiosisq; pietatis exercitationibus actam, & omniu sanctoru virtu-
 tu claritate illustrem, tribus libris conscripta, Ecclesia Ambianesis

Aa 2 afferuat.

afferuat. Bremæ, Sancti Vullehadi Episcopi, & confessoris: qui, propagandæ CHRISTI religionis ardore incensus, e Britannia in Frisiam venit; ubi mirifice in disseminanda euangelii disciplina profecit: post Bremæ primus Episcopus fuit; in cuius muneris functione pie admodum, ac religiose se gessit; perpetuoque doctrinam, qua alios imbuere studuit, egregiis sanctissima vitæ suæ exemplis ornauit, ac uirtutum studia auxit. Virduni, Sancti Mauri Episcopi, & confessoris. Massiliæ, Translatio, Sancti Ludouici Episcopi, & confessoris.

E.

Quinto idus Nouemb. Luna.

26 7 18 29 10 21 2 13 24 5 16 27 8 19 30 11 22 3 14
A b c d e f g h i k l m n o p q r s t

9 **R** Omæ, Dedicatio Basilicæ Sancti Saluatoris: quam a Constantino Magno exædificatam, & multis muneribus donisque ornata, Siluester pontifex consecrauit. Amasæ, Sancti Theodori martyris. Hic miles, Maximiano Imperatore, eo nomine comprehensus, quod idolorum sanum incendisset, cum a legionis præfecto poena ei remitteretur, si penitens facti, a Christianâ fide desisteret, in illius confessione constans admodum, in carcerem truditur: inde post eductus, uingulis excarnificatur; demum in ardentem rogam iniectus, diuinas laudes celebrando; animam CHRISTO reddidit. Thessalonicæ, Sancti Alexandri martyris: qui, eodem Imperatore, comprehensus, cogebatur idolis immolare. Quod facinus execratus, diuino zelo vehementer exarsit, factoque in eorum mensam impatu, eaque pede disturbata, atque euerfa, inspectantem Imperatorem uehementissime comouit. quare extremo illi supplicio statim affici iussit. cū igitur districto carnifex gladio beati martyris collumpeteret, repentino mētis stupore oppressus, obiurgaretur ab Imperatore, quod mandatum nõ exequeretur, se iussione quadâ magno percussus metu esse respondit, sed cū martyr orâ di horam impetrasset, tum demum à carnifice cæsus est. Apameæ in Syria, Sancti Antonii martyris

martyris; qui saepe pro CHRISTI religione egramen suscepto, tandem membratim concisus; fortiter omnem cruciatum sustinendo coronatur. In Cappadocia, Sancti Orestis martyr. Hic idolorum contemptor, ac fidei Christianae praclarus propugnator, Maximiani iussu primum uirgis grauissime casus: deinde in carcerem rursus deusus; post, cum ad gentium superstitiosum cultum transire nullo modo uellet, traiectis per illius talos immanibus clavis, extra urbem viginti quatuor millia passum raptatus, martyrii cursum inuito animo egregie confecit. Bituricis, Sancti Vrsicini Episcopi: qui Apostolorum discipulus, a beato Petro Apostolo Episcopus illius urbis consecratus, Sancto Aphrodisio succedens, admirandis uirtutibus eluxit. Berythi, in Syria, Sacra imago Domini nostri IESU CHRISTI, a Iudaeis cruci affigitur, cuius rei liber, a beato Athanasio Alexandrino conscriptus, extat. Mediolani, Sancti Aurelii Episcopi, & confessoris: qui Reditianae urbis in Armenia Episcopus, ad eam urbem profectus, multis miraculis sanctitate eius diuinitus testificata quieuit in Domino.

Quarta idus Nonembris. Luna. A.xv.

27 8 19 30 11 22 3 14 25 6 17 28 9 20 1 12 23 4 16 25

A b c d e f g h i k l m n o p q r s t

Niceae, Sanctorum martyrum, Triphonis, Respicii, & Nymphae uirginis. Tripho, Imperatore Decio, cum Absadi in Saxonia, fidei Christianae mysteria doceret, omnes ad CHRISTI cultum ab impietate conuertere conabatur. Itaque a Decii satellitibus captus, equuleo tortus, unguis dilaceratus, post, sublimibus pedibus, cadentibus clavis confixus, fustibus caeditur; tum facibus ardentibus admotis, aduritur. Martyris diuinam animi constantiam admiratus Respicius tribunus, ad CHRISTI fidem conuersus, uarie cruciatur una cum Triphone; ac rapitur simul ad Iouis idolum, quod, orante Triphone, concidit. Eo miraculo commota Nimpha uirgo, IESUM CHRISTUM uerum esse Deum testata est. quare duo illi uiri, cum uirgine plumbatis horrendum in modum confusi, na-

bili martyrio coronantur. Romæ, Sanctorum Olympæ, & Rhodiensis: qui, beati Petri, Apostolorum Principis, discipuli, & imitatores, Neronis iussu, securi pro CHRISTI nomine feriuntur. In diecesi Agathensi, Sanctorum martyrum, Tyberii, Modesti, & Florentianæ, qui in Diocletiani persecutione, multiplici cruciatuum genere affecti, strenue superato fidei aduersario, palmam tulerunt. Antiochiæ, Sanctorum martyrum, Demetrii Episcopi, Aniani diaconi, Eustofii, & sociorum viginti. In Britannia, Sancti Iusti Episcopi, & confessoris: qui vna cum Melitto, & aliis, ab Sancto Gregorio Pontifice in eam Insulam missus ad obeundum euangelicæ prædicationis munus, primo Brocensis Episcopus, deinde Archiepiscopus Cantuariensis factus, Sanctarum actionum gloria clarus, quieuit in Domino. Aureliæ, Sancti Monitoris Episcopi.

G.
iiii.

Tertio idus Novembris. Luna.

28 9 20 1 12 23 4 15 26 7 18 29 10 21 2 13 24 5 17
A B C D E F G H I K L M N O P Q R S T

II **S**ancti Martini Episcopi, & confessoris. Qui Turonensium Episcopus rerum diuinarum studio inflammatus, omni sanctæ uirtutis genere præluxit: tum miraculorum multitudine, magnitudineque clarus, iam vnum, & octoginta annos natus, animam Deo reddidit, quam Angelorû chorus excepit. In Phrygiâ, Sancti Mennæ martyris. Hic, Diocletiano Imperatore, repudiata militari uita, in solitudinem se abdedit: ubi in Dei, diuinarumque rerum contemplatione multus erat. Post, in publicum prodiens, se Christianum esse, palmam, libereque professus, primum grauer excruciat, postremo, dum precabatur, CHRISTOQUE Domino, flexis genibus gratias agebat, securi percussus est. In Græcia, Sanctorum martyrum, Vincentii, Victoris, & Stephanidis. Victor enim, Antonino Imperatore, cum abduci nullo modo posset, ut ab CHRISTI fide deficeret, primo luxatis membrorum articulis, in fornacem proicitur: deinde letali medicamento, quod sibi magus porrexerat, epoto,

Decimo sexto Calen. Decemb. • Luna. E. ix.

9 14 25 6 17 28 9 20 1 12 23 4 15 26 7 18 29 10 20
 A b c d e f g h i k l m n o p q r s t

IN Africa, Sanctorum martyrum, Rufini, Marci, Valerii, Pauli, & 16
 Honorii, Vitalis item, & Ianuarii. Antiochiæ in Syria, Sancti Bar-
 lazæ martyris: qui confectus iam ætate, Christianæ fidei causa a præ-
 fecto vinctus abduci nulla arte potuit, ut diis immolaret. quare ner-
 vis bubulis gravissime cæsus, deinde vnguibus euulsis, admotus ite-
 rum idolorum aræ, explicata per vim manu, thus simul cum igne
 accipere compulsus est. Sed is constanti animo, uultuque interrito,
 passus est potius ignem, paulatim consumpta perforataque manu,
 in terram decidere, quam quicquam de Christiana cōstantia remit-
 tens, idolo sacrificare: quo in tormento gravissimo animā Deo reddi-
 dit. Lugduni, Sancti Eucherii Episcopi, & cōfessoris: qui a rebus Se-
 natoriis cū ad religiosæ uitæ disciplinam se contulisset; diu in spelun-
 ca latens, Dei contemplationi deditus, mortuo Episcopo Lugdu-
 num profectus, Angeli admonitu in episcopali sede solemniter col-
 locatus, ecclesia sibi commissa, pie administrata, sancte obdormiuit
 in Domino. Cantuariæ in Anglia, Sancti Edmūdi Episcopi, admira-
 bili abstinentia uiri: cuius sanctitatem Deus declarari significariq;
 uoluit miraculorum magnitudine. Churiæ in Rhetia, Sancti Othma-
 ri abbatis. Hic parsimonix sectator eximius, creberrimo macerans
 ieiunio corpus bidui abstinentiam cōtinuabat frequentius, vigiliis
 amabat, in oratione assiduus; erga pauperes benignus; humilitate,
 omnique Christiana virtute florens, quieuit in Domino.

Decimo quinto Calen. Decemb. Luna. F.

4 15 26 7 18 29 10 21 2 13 24 5 16 27 8 19 30 11 23
 A b c d e f g h i k l m n o p q r s t

Neoæsareæ in Ponto, Sancti Gregorii Episcopi: qui doctrina il- 17
 lustris miraculisq; multo illustrior, unde Thaumaturgi nomen
 accepit,

accepit, cum innumerabiles homines perduxerit ad fidem CHRIS-
 T I, & populum præsertim Neocæsariensem; cui Episcopus præ-
 erat, virtutum admirabilium, & vitæ meritis cumulatûs, quædicit in
 Domino. In Palestina, Sanctorum martyrum, Alphæi, & Zachæi: qui
 post verbera, & nouaculas, post vincula aspera, grauesque in eisdem
 dolores, post alias diuersas in tormentis quæstiones, post pedes diu-
 noctuque compedibus ligneis, quattuor foraminum intervallo in-
 teriecto, distractos, IESU CHRISTI fidem libere constanterque
 confessi, capitibus abscissis, ad præmium migrant in cælum. Alexan-
 driæ, Sancti Dionysii Episcopi: qui turbulentis persecutionum pro-
 cellis quam uehementer, uarieque exagitatus sit, ipse in epistola, ad
 Germanam scripta, ostendit. uir fuit omni doctrinæ laude, veræ fi-
 dei confessione, religiosi officii, Sanctisque actionibus admodum
 celebris: ecclesia autem Alexandrina decem, & septem annis admi-
 nistrata, magna cum testificatione sanctitatis, obdormiuit in Domi-
 no. Cordubæ in Hispania, Sanctorum martyrum, Acyscli, Victoriz
 qui, Diocletiano, & Maximiano, Imperatoribus, Dionis iudicis de-
 creto excruciat, atque necati, tanto munere eluxerunt, ut ibi obte-
 stimonium præclari eorum martyrii eodem die rosæ diuinitus or-
 tæ dicantur. Aureliani, Sancti Aniani Episcopi: cuius mortem, in cõ-
 spectu Domini p̄tiosam, crebra testantur miracula. Apud Turonen-
 ses, Sancti Gregorii Episcopi, & confessoris: cuius uita religiose, di-
 uineque acta, a clericis Turonensibus, ad posteritatem litteris pro-
 dita, rerum admirabilium, celestiumque virtutem splendore mirifi-
 ce elucescit. Lincolniz, in Anglia, Sancti Hugonis Episcopi, & con-
 fessoris: cuius res magna cum laude sanctitatis, gestæ, & a multis con-
 scriptæ leguntur. In Anglia item, Sanctæ Hildæ virginis, admiranda
 pietate insignis. Churiæ in Rhetia, Sancti Florini.

G.
xvii.

Decimo quarto Cal. Decemb. Luna.

5 16 27 8 19 30 11 22 3 14 25 6 17 26 18 9 29 1 12 13
 A b c d e f g h i k l m n o p q r s t

18 **R**ome, Dedicatio, basilicarum, Sanctorum Apostolorum Petri
 & Pauli. Quas basilicas, a Constantino Imperatore magnifi-
 centissime

centissime extructas, & ampliffimis donis ornatas, Sanctus Siluéster hoc ipfo die folemniter confecrauit. Antiochia, Sancti Romani mar tyris, Is, in Maximiani psecutione, obuiam factus Afclepiadi præfe- cto, quo tempore, idolis ille immolaturus, fanū ingrederetur, Chri- ftiana religionis incenfus ftudio conatus eft, eum ab impura illa fu- perftitione auertere. Cui præfectus inffit colaphos infringi; tum ra- prum in equuleum, depecti. Hic, dum torqueretur, cōftantius CHR I STVM Deum prædicabat. Quare post excifam linguam, in vincula coniectus, vtroque pede ad quintum foramen in compedibus diftra- cto, demum diurnis carceris cruciatibus superatiis, ibi ftangula- tus, martyrio decoratur. In eadem urbe, Sancti Baralæ pueri: qui, dū beatus Romanus vel infantium testimonium in Christianæ fidei pr- dicatione afferret, in medium productus, & interrogatus, quem co- leret, accusata prius præfecti infana superftitione, eum, inquit, quē Christiani colunt. verberibus igitur horribiliter cæfus, demum ca- pite plectitur. Sancti præterea Eſychii: qui ibidē, quoniam abiecto militari cingulo, Christianæ fidei adhærefcēs, cultū diis denegauit, præcepſ in fluuium Orontem deiectus eft. In Vandalica perfecutio- ne, Sancti Oricoli, & lociorum martyrum. Lucæ, Sancti Fridiani Epi- ſcopi, & confessoris: cuius uita, virtutibus, & miraculorum claritate elucens, litteris pofteritati tradita, legitur. In infula Lirino, Sancti Anſelmi abbatis, & confessoris.

Decimo tertio Calend. Decemb. Luna. A. vi.

6	17	28	9	20	1	12	23	4	15	26	7	18	29	10	21	2	13	24
A	b	c	d	e	f	g	h	i	k	l	m	n	o	p	q	r	s	t

Romæ, Sancti Pontiani Papæ, & martyris. Hic, sanctitatis laude 19 clarus, ecclesiæ præfuit, Alexandro Imperatore. In Sardiniam vero ob perpetuam fidei tuendæ constantiam cum Philippo presby- tero relegatus, ibi multis affectus incommodis, ac laboribus, fusti- busque cæsus, ad martyrii palmam peruenit. Eius corpus, Fabiano Pontifice, Romam translatum, in Cœmiterio Calyxti sepelitur. Ro- mæ præterea, Sancti Fausti diaconi. Hic, ingrauescente ætate, multa pro

pro religione christiana, Decio Imperatore, perpeffus, preclara, per-
petuaque confessione nobilis, demum, capite abscisso, martyrii cura-
sum inuicta uirtute confecit. In urbe Astiagensi, Sancti Crispiani
Episcopi, & martyris: qui in ipsa Diocletianianæ persecutionis tem-
pestate, multis pro fide contumeliis exagitatus, denique secuti pec-
cussus, martyrio coronatur. In Græcia, Sanctorum, Azæ, & sociorum
martyrum. Comprehensus Azas, qui in solitudine delitefcens, san-
ctissimæ uitæ, & miraculorum laude nobilis erat, à militibus Dio-
cletiani, tribunali sistitur Aquilini præfecti: cuius iussu de sublimi
per capillos appensus, unguibus ferreis excarnificatur: deinde in
fornacem ardentem cõiectus, cum inde incolumis diuina ope exis-
set, hocque miraculo coniugem, & filiam præfecti ad fidem conuer-
tisset, unâ cum eisdem, & militibus item, quo centum quinquaginta
alio miraculo ad christianam religionem perduxit, capitis damna-
tus est. Viennæ, Sanctorum Seueriani, Exuperii, & Feliciani, quorum
corpora multis post annis mirabiliter diuino admonitu inuenta, ab
Episcopo, clero, uniuersoque populo sublata, honesto, & sacro loco
religiose recõdita sunt. Augustoduni in Gallia, Sancti Simplicii Epi-
scopi, & confessoris. Aruernis, Sancti Patrocli confessoris. Hoc ipso
die, Sactæ Elisabethæ reginæ: quæ, pietatis operibus assidue intèta,
uitæ huius cursu magna cum sanctitatis laude confecto, ad cœle-
stem patriam migravit, multis miraculis clara. Romæ item via Ap-
pia, Sancti Maximi presbyteri, & martyris: qui, Diocletiano Impe-
ratore, pro CHRISTO fortiter pugans, coronatur.

B. *Duodecimo cal. Decemb. Luna.*

7 18 29 10 21 2 13 24 5 16 27 8 19 30 11 22 3 14 26
A B C D E F G H I K L M N O P Q R S T

20. **M**essanæ in freto siculo, Sanctorum martyrum, Ampeli, & Caii-
Heracleæ, Sanctorum, Bassi, Dionysii, Agapiti, & quatragenta
sociorum martyrum. In Dorostoro vrbe, Sancti Dasii martyris, qui
pro CHRISTI nomine, Diocletiani, & Maximiani iussu, multis
affectus suppliciis, demum gladio feritur. In Persia, Sanctorum mar-
tyrum,

tyrum, Nerſæ, & Iosephi, Episcoporum: qui episcopali uigilantia cū operam darent, ut mortaliū mentes, magnis superstitionis, & impietatis tenebris implicitas, ad euāgelii lucē perducerent, ab fidei hostibus Persis comprehensi, ad regemque ducti, a CHRISTI religione se abduci nullo modo posse affirmarunt. itaq; gladio percussi, martyrio coronātur. Cæsareæ in Palestina, Sancti Agapii martyris. Hic magnus diuinæ pietatis athleta, tyranno Maximino sistitur: apud quem libera uoce palam profitetur, se pro CHRISTO libenter, & cum gaudio omnia, uel grauissima supplicia subiturum. Itaque statim, urso in eum dimisso, ex aduerso ueluti curriculo factus obuiā, se ipsum libentissime teterrimæ feræ obiiicit. Post adhuc superstes, in carcerem truditur: ubi per diem commoratus, postridie lapidibus ad pedes eius appensis, in medium mare demersus, nobilis martyrii coronam tulit. In Persia, item Sanctorum martyrum, Ioannis, Saberii, & Isachi, Episcoporum, Dapii præterea, & Isachi, presbyterorum. Hi Persæ omnes, cum sollicite munus suum obirēt, populum instituendo, erroresque impios depellendo, ad regem pertrahuntur: cuius iussu uincti, & nudati, uirgis conciduntur: tum unguibus ferreis depectuntur, quo in cruciatu, cum fidem constantius tuerentur; tandem lapidibus obruti, ad martyrii præmium abeunt in cœlum. In Taurinis, Sanctorum martyrum, Octauii, Solutoris, & Aduentitii: de quibus sermo beati Maximi Taurinēsis extat. Edeſæ Sanctorum martyrum, Samonis, & Gurix: qui CHRISTI prædicatione cum orbem peragrarent, comprehensi primo, tum inedia pene enecti, uariisque deinceps tormentis affecti, demum gladio percussi, palmam martyrii acceperunt. Constantinopoli, Sancti Stephani abbatis, & martyris. Hic sexaginta annis in monasterio inclusus, multis Christianæ pietatis uirtutibus clarus, iussu impii Imperatoris Constantini Iconomachi, rudenti raptatus, ac discerptus, in catholice fidei constantia migravit ad Dominum. In Anglia, Sancti Edmundi Regis, & martyris. Cabillonæ Sancti Siluestri Episcopi, & confessoris. Mediolani, Sancti Benigni Episcopi, & confessoris. Veronæ, Sancti Simplicii Episcopi & confessoris.

C. *Vndecimo Calend. Decemb. Luna.*
xiiii.

8 19 30 11 22 3 14 25 6 17 28 9 20 1 12 23 4 15 27
 A b c d e f g h i k l m n o p q r s t

21 **H**ierosolymæ, Præsentatio beatæ Mariæ, virginis. Romæ Sancti Mauri martyris. Hic ab infantia Christianus, orationi, & ieiunio deditus, Numeriano Imperatore, & Celerino præfecto, variis tormentis excruciat, demum capite plectitur. Romæ item beatissimorum martyrum, Celsi, & Clementis. Hostiæ, Sanctorum martyrum, Demetrii, & Honorii. Hoc item die, Sancti Rufi: quem a Deo electum, beatus Paulus Apostolus scribit: cuius item admirandam patientiam Polycarpus commemorat. Veronæ, Sancti Marci Episcopi, & confessoris. Hic præter cæteras virtutes, admirabili quadam humilitate, & egregia, vereque Episcopo digna, erga pauperes liberalitate, præstitit: deposito autem sponte episcopali munere, in solitudinem se abdidit: ubi ieiunio, vigiliis precibusque assidue deditus, declarata miraculis eius sanctitate, quieuit in Domino. Bobii, Sæci Columbani abbatis: qui multis extructis monasteriis, multorum monachorum pater, & mirificæ pietatis vir, vitæ, sanctissime actæ, & miraculorum gloria clarus, obdormiuit in Domino.

D. *Decimo Calend. Decemb. Luna.*
iiii.

9 20 1 12 23 4 15 26 7 18 29 10 21 2 13 24 5 16 27
 A b c d e f g h i k l m n o p q r s t

22 **R**omæ, Sanctæ Cæciliæ virginis, & martyris. Hæc virgo Romana nobilis, a prima ætate, Christianæ fidei præceptis instituta, Valerianum sponsum, & Tiburtium fratrem ad CHRISTI Domini fidem perduxit, tum ad martyrium incitauit. Demum ipsa comprehensa, in balneo comburi iubetur: Quo in loco cum diem, noctemque ita fuisset, vt ne flammam quidem attingeret; eo intromissus est carnifex, qui virginem, ter securi ictam, cum caput præcidere non potuisset, semiuiuam reliquit. Quæ triduo post, Alexandro Imperatore,

peratore, duplici, & virginitatis & martyrii palma decorata, abiit in
 celum Antiochiæ in Pisidia, Sanctorum martyrum, Marci, & Ste-
 phani: qui in certamen pro CHRISTI fide Diocletiano Impera-
 tore, eo pietatis ardore descenderunt, ut cum eos, qui se conuenie-
 bant, summa libertate uerbo veritatis instruerent; tum Christianam
 fidem passim prædicarent: quam obrem uincti, ad præfectum in iudi-
 cium ducti, nulla tormentorum ui atque acerbitate, cum de pia sen-
 tentia depelli possent; vna cum aliis compluribus martyribus in cu-
 stodiam traditi sunt. Qui omnes, in sancto proposito perseverantes;
 post varia cruciamenta, capitis obruncatione, martyrii cursum præ-
 clare cõfecerunt. In Palæstina, Sancti Procopii martyris. Augustodu-
 ni, Sancti Pragmati Episcopi, & confessoris.

Nono Calendas Decemb. Luna.

E.

10 11 12 13 14 15 16 17 18 19 20 21 22 23 24 25 26 27 28 29 30
 A B C D E F G H I K L M N O P Q R S T

Sancti Clementis Papæ, & martyris. Hic, beati Petri Apostolo-
 rum principis, discipulus, apostolica doctrina imbutus, multa scri-
 psit, & accurate, & utiliter: quibus illustrauit Ecclesiam Dei. Relega-
 tus autem in insulam a Traiano Imperatore, quoniam quam pluri-
 mos ad CHRISTI fidem perduceret, ibi cum in ueneratione es-
 set ob sanctitatem, miraculo declarat, illius iussu beatus pontifex,
 & martyr, alligata ad collum anchora, in mare deiectus est. Paulo
 autem post eius corpus, in litus eiectum, ibique sepultum, deinde
 Romam, Nicolao Primo, Pontifice, translatum, in ecclesia, quæ ab
 eo nomen accepit, reconditum est. Romæ, Sanctæ Felicitatis, septem
 filiorum martyrum matris: cui etiam, Antonino Imperatore, caput
 pro CHRISTI gloria præcisum est. Apud Metenses, Sancti Cle-
 mentis Episcopi: qui, e consulari familia natus, beati Clementis Põ-
 tificis patruus, in Galliam cum Cælesto, & Felice, prædicationis
 euangelicæ causa missus, ecclesiam Metensem, cui primus Episco-
 pus præfuit, cum aliquot annos imbuisset euangelicis, Apostolicisq;
 institutis, ac præceptis; demum sanctissime quieuit in Domino. A le-

23

Bb

xandriæ,

xandriæ, Sæctæ Faustinae Augustæ: quam a beatissima virgine, & martyre Catharina ad Christianæ religionis cultum ab impura superstitione conuersam, Maxentius, eius uir, capite plesti iussit. Emeritæ in Hispania Sanctæ Lucretiæ virginis: quæ in Maximiani persecutione Datiani præsidis iussu, pro CHRISTO, excruciatâ, sanguine etiam profuso, martyrii corona decoratur. In Pago Asbano, Sancti Trudonis presbyteri, & confessoris: cuius uita, & diuine facta, litteris tradita, magna cum testificatione sanctitatis, leguntur. Parisiis, Sancti Seuerini hæremitæ, & confessoris.

F. xi.

Octauo Calendas Decembris. Luna.

11 22 3 14 25 6 17 28 9 20 1 12 23 4 15 26 7 18 30
A b c d e f g h i k l m n o p q r s t

24 **R**omæ, Sancti Chryfogoni martyris: qui uincula, carcerem, aliaque supplicia pro CHRISTO Domino, fortiter perpeffus, tandem, Diocletiani iussu, securi percussus est. Eius corpus proiectum in mare, paulo post in littore inuentum, Zoilus presbyter se pelluit. Romæ, Sancti Crescentiani martyris; de quo in acta martyrii beatissimi Marcelli pôtificis ab notariis relatû est. Alexandria, Sanctorum martyrum, Porphyrii, & ducentorum militum: qui Sanctæ Catherinæ uirtute fidem religionemque amplexi, omnes, Maxentii iussu, securi feriuntur. Cyzici, in Bythinia, Sancti Sifinnii Episcopi, & martyris. Hic gentes, a fide alienas, a nefaria idolorum superstitione ad uerum Dei cultum conuertere, Christianos confirmare, & ad martyrium fortiter subeundum hortari, numquam non fludebat. Quo nomine accusatus; Diocletiani Imperatoris decreto, uirgis primum tetre cæsus: deinde, grauissime depexus, in carcerem truditur: ubi fame, siti, pedore, sexcentisque aliis cruciatibus pene confectus est. Inde autem Eductus, atque, ut ad barbarorum sacra transfret, tentatus, frustra que sollicitatus, gladio cæsus, migravit ad Dominum. Cordubæ, Sanctæ Floræ virginis, & martyris: quæ a patre impio, ac e matre, religiosissima scemina, nata, a primis annis pietatis studio de dita, vr forma egregia fuit, sic omni Christina uirtute flo-

re floruit. A religione & fide frater illius, & uerboribus, & minis, & uerborum blanditiis uirginem auertere contendit: sed frustra conatus ad iudicem, hominem Arabicum, pertrahit: cuius iussu flagris caesa, & in capite vulnerata, magno animi robore in fide persistens, demum, capite obruncato, ad martyrii palmam peruenit. Cordubæ item, Sanctæ Mariæ uirginis, & martyris: quæ eodem certaminis studio, quo beata Flora, pro fide incensa, pari contentione, coniunctissimaque pii animi voluntate, in Arabica illa persecutione, martyriū subiit. Mediolani, Sancti Protasii Episcopi, & confessoris: qui in persecutionum tempestatibus, pro Ecclesia sibi commissa, pro religione multis perfunctus laboribus, Synodo etiam Sardicensi interfuit. In oppido Blauio, Sancti Romani presbyteri, & confessoris: cuius sanctitas multis miraculis comprobata est. Perusiæ, Sancti Felicissimi confessoris. Aruernis, Sancti Portiani abbatis, & confessoris. Regii, Translatio Sancti Prosperi Episcopi.

Septimo Calendas Decembris. Luna.

G.

xix.

12 23 4 15 26 7 18 29 10 21 2 13 24 5 16 27 8 19 1
A B C D E F G H I K L M N O P Q R S T

Sanctæ Catharinæ uirginis, & martyris. Hæc nobilis uirgo Alexandrina, Maxentii tyranni iussu, pro CHRISTI fide uerbis affecta, plumbatisque contusa, dies undecim sine cibo, & potu in carcere includitur. Inde post educta, ut rota acutis præfixa gladiis dilaceraretur, e terribissimo illo cruciatu machina confracta, diuinitus liberata, demum securi percussa, ad duplicatum uirginitatis, & martyrii præmium abiit in coelum. Cæsareæ in Cappadocia, Sancti Mercurii martyris. Is, Decio Imperatore, in Asiatico militans exercitu, cum fortiter aliquando ab Angelo adiutus, rem gessisset, Dux bello declaratur a Cæsare. Sed cognitus Christianæ religionis esse, comprehenditur: iussuque Imperatoris, ad quatuor palos humi alligatus, & gladiis totus concisus, ignem suppositum; sanguinis uis restinxit. Post,

appenso ad collum ingenti saxo, in sublime per caput rapitur; direptaque per artus cute, rursus depositus, tum uinctus Cæsaream ducitur, ubi, datis fortiter ceruicibus, martyrii cursum egregie conficit. Antiochiæ, Sancti Erasmi martyris. In Aemilia prouincia, Sanctæ Iocundæ uirginis.

A. *Sexto Calendas Decemb.* Luna.

13 24 5 16 27 8 19 30 11 22 3 14 25 6 17 28 9 30
A b c d e f g h i K l m n o p q r s t

26 **A**lexandriæ, Sancti Petri Episcopi, & martyris, qui Theonæ, sanctissimo uiro in Episcopatum Alexandriæ succedens, magna cum dignitate illi ecclesiæ præfuit: quique præter ceteros Sanctos, & diuinos Ep̄os, cum uirtutis causa, quæ in eius uita eluxit, tum studii, & uigiliarum, quas in sacras litteras contulerat, prope miraculum exitit: cum minime expectabat, arreptus subito, ita ut erat, ex Maximiani impii mandato, pro CHRISTI gloria capite plectitur. Vnà cum eodem martyrium subierunt, Faustus presbyter, Didius, & alii socii sexcenti, sexaginta. Patauii, Sancti Belini Episcopi, & martyris: cuius sanctitate diuinitus testificata miraculis, eum in Sanctis Eugenius Quartus, Pontifex Maximus, adscripsit. Augustoduni; Sancti Amatoris Episcopi, & confessoris. Constantiæ, Sancti Conradi Episcopi: qui ex illustri Sueuiæ familia ortus, ab ineunte ætate, in disciplina pietatis, & litterarum eruditione, parentum cura, institutus, toti Germaniæ uirtutum splendore illuxit. Religionis causa ad sepulcrum Domini ter Hierosolymā peregrinatus; inde reuersus Notingo, Constantiæ Episcopo, mortuo, in illius locum ob doctrinam, & morum sanctitatem eligitur: quod munus, Sancti Huldrici, Episcopi Augustæ, rogatu, ac precibus uictus suscepit, quod diu recusasset. Eoque per quadraginta annos diligentissime perfunctus, cum nihil omiserit, quod beatus Paulus Apostolus Episcopo præscripsit; propagatæ religionis, uirtutumque episcopaliū laude clarus, obdormiuit in Domino. In diœcesi Rhemenſi, Sancti Basoli heremita,

heremita, & cōfessoris: qui vitæ religioſe inſtitutū in ſolitudine ma-
gnopere ſecurus, miraculis, & ſanctitate præluxit.

Quinto Calendas Decemb. Luna.

B.
viii.

14 25 6 17 28 9 20 1 12 23 4 15 26 7 18 29 10 21 3
A b c d e f g h i k l m n o p q r ſ t

Antiochiæ, Sanctorum martyrum, Baſilei, & Saturnini. In Nico-
media, beatiffimorum martyrū, Marcelli, Petri, Numerii, Hie-
rarchiæ, & Meloſi. In Perſia, Sancti Iacobi Interciſi: cui ſcilicet ob fidē
Rex Perſarum cum artus omnes primum, ſigillatim præcidi, tum
caput amputari iuſſit. In Gallecia, ad Cæiā fluviū, beatorū marty-
rum, Facundi, & Primitiui: qui pro CHRISTI religione cū multa
ſuperaffent ſupplicia, mirifico pietatis certamine ab Angelis duæ
iis coronæ cæleſti munere delatæ, ſunt, quam rem ubi Atticus præ-
tor accepit, capita, inquit, amputentur, ne locus ſit coronis. Seba-
ſtiæ, Sanctorum. martyrum, Herinarchi, Acacii preſbyteri, &
mulierum ſeptem: quas pro CHRISTO, in Diocletiani perfe-
cutione, cum forti, uirilique animo Herinarchus dimicare uidiffet;
fidem amplexus, palam ſe Chriſtianum eſſe profitetur. quamobrem
Maximi præſidis iuſſu cōprehēſus, in ſtagnum præceps deiicitur:
vnde cum incolumis exiſſet; in ignem ponitur: e quo diuina ope ad-
mirabiliter ereptus; demum ſecuri cum Acacio preſbytero, qui il-
lum baptizauit, percuffus, martyrii corona vterque decoratur. Re-
gii, in Gallia Ciſalpina, Sancti Maximi Epifcopi, & cōfessoris: qui
ab ineunte ætate, omni virtutum genere excultus, primum Lirinē-
ſis monaſterii pater; deinde Regii Epifcopus factus, miraculiſ
clarus, quieuit in Domino. Nouiomi, Sancti Acarii Ep̄i, & cōfessoris.

Quarto Calendas Decemb. Luna.

C.

15 26 7 18 29 10 21 2 13 24 5 16 27 8 19 30 11 22 4
A b c d e f g h i k l m n o p q r ſ t

Corinthi, Sancti Soſthenis. Is fuit vnus e ſeptuaginta diſcipuliſ, 28
cuius aliquando mentio eſt in ſacriſ litteriſ. Romæ, Sãcti Ruſi
martyriſ:

martyris: quem Diocletianus Cæsar, una cū tota familia pro CHRIST
 I fide fortiter dimicantem contrucidari iussit. Romæ item, San-
 cti Gregorii Papæ Tertii: qui Romæ Synodo habita, Leonem Impe-
 ratorem, sacras imagines oppugnantem, damnauit: basilicas Roma-
 nas multis ornamentis, auro & argento confectis, exornauit: earum
 recta restituit: templa multa exædificauit; cœmiteria instaurauit, ac
 donis auxit: Diaconias addidit: multa pro ecclesia Dei sancte reli-
 gioseq; egit. uir fuit diuinarum litterarum scientiâ eruditus, & san-
 ctitate præclarus, multisque meritis cumulatus, ad præmium euola-
 uit in cœlum. Constantinopoli, Sanctorum martyrum, Stephani, Pe-
 tri, & Andreæ: qui apud Constantinum, sacrarum imaginum cultui
 infensissimum aduersarium, eo nomine accusati, quod illas venera-
 rentur; primum variis excruciantur suppliciis; deinde uarie necati,
 datis verè pietatis p̄claris testimoniis, martyrio coronantur. In Afri-
 ca, Sanctorum martyrum, Papinii, & Mansueti, Episcoporum: qui, in
 Vandalica persecutione, pro catholica fide, candentibus laminis a-
 ducti, forti, constantique animo, martyrii cursum confecerunt. quo
 ipso tempore, Quoduult deus, Valerianus, Vrbanus, Crescens, Eusto-
 chius, Cresconius, Crescētianus, Felix, Hortulanus, & Florentianus,
 acerrimi catholice religionis propugnatores, in exilium pulsi, ac
 multis iniuriis affecti ab ecclesie aduersariis, quieuerunt in Do-
 mino.

D. *Tertio Calendas Decembris. Luna.*
 xvi.

16 27 8 19 30 11 22 3 14 25 6 17 28 9 20 1 12 23 4
 A b c d e f g h i k l m n o p q r s t

29 **V**igilia Sancti Andreæ Apostoli. Romæ, beatissimorum mar-
 tyrum, Saturnini, & Sifinii: quos, Maximiano Imperatore, vr-
 bis præfectus, primum equuleo torqueri; deinde fustibus, & scor-
 pionibus cædi; tum facibus ardentibus aduri; postremo, capite ob-
 truncari iussit. Tholosæ in Gallia, Sancti Saturnini item martyris,
 qui ab infidelibus in capitolio illius urbis inclusus, è summa arce
 per omnes gradus præceps deiectus, contracto capite, excusso cere-
 bro,

bro, laniato toto corpore, animam Deo reddidit. Ancyrae in Galatia, Sancti Philomeni martyris; qui Aureliano Imperatore, Christianae religionis causa vincitus, sistitur illius urbis praefecto: apud quem cum de Deo uno, eoque omnium creatore libere, grauiusque diceret, confixis manibus, & pedibus, contunditur scipionibus: deinde ligno depositus, in feruidum conicitur furnum: sed nihil Dei munere offensus, traiecit iterum manibus, pedibus, & capite clavis, contento cursu conficere stadia triginta cogitur. quo cruciatu diuturno confectus, Deo, cuius causa tanto perfunctus erat martyrio, spiritum reddidit. In Aegypto, Sancti Ammonis Abbatis, religiosissimi viri: cuius animam, Sanctus Antonius ab Angelorum choro, in caelos ferri vidit. Traiecti, Sancti Rutholdi Episcopi, & confessoris.

Pridie Calendas Decembris. Luna.

E. v.

7 18 9 20 1 12 23 4 15 26 7 18 20 10 21 2 13 24 6
 A b c d e f g h i k l m n o p q r s t

Sancti Andree Apostoli. Is Bethsaidę in Galilea natus, frater beati Petri Apostoli maior, primum Ioannis Baptistae discipulus, deinde cum Petro fratre a CHRISTO Domino uocatus, relictis retibus, eum secutus est. Post cuius ascensionem, cum maritimas Bithyniae partes, Pontum, Thraciam, Epirum, Peloponessum peragrans, fidem ubique praedicasset, ad urbem Patras denique uenit, ubi Aegeam proconsulem, euangelicae ueritati resistentem, liberrime increpauit. quamobrem comprehensus Apostolus, primo in carcere truditur; post grauissime caeditur; postremo cruci affigitur: in qua biduum uiuus pendens, & CHRISTI fidem praedicare nunquam intermittens, ad eum migravit, cuius mortis similitudinem concupierat. Romae, Sanctorum martyrum, Castuli, & Eprepti. Romae, item, Sanctae Iustinae uirginis, & martyris. Apud Sanctonas, Sancti Troiani Episcopi, & confessoris; admirandae uirtutis uiri: qui in terris sepultus, in caelis se uiuere, magnis uirtutibus ostendit. Mediolani, Baptismus, Sancti Ambrosii Episcopi.